

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ (ԱՐՑԱԽԸ ՆԵՐԱՌՅԱԼ)

ՆՈՐԳԱՂՈՒԹԱՅԻՆ ԻՐԱՎԻՃԱԿԻ ՀԱՂԹԱՅԱՐՄԱՆ ԵՎ

ՆՈՐ ՈՐԱԿԻ ՀԱՅԿԱԿԱՆ ՊԵՏՈՒԹՅԱՆ ՁԵՎԱՎՈՐՄԱՆ ՀԱՄԱՀԱՅԿԱԿԱՆ ՇԱՐԺՄԱՆ*

Ծ Ր Ա Գ Ի Ր

Քայլ 1. Շարժման կառուցվածքային կայացում

Քայլ 2. Չուզահեռաբար ստեղծվող կառավարման մարմինների ձևավորում և գործունեություն

Քայլ 3. Չուզահեռաբար ստեղծվող կառավարման մարմինների լեգիտիմացում

Քայլ 4. Գործող վարչախմբի հեռացում և անցումային կառավարում

Քայլ 5. Նոր որակի պետության ձևավորման գործընթացի ծավալում

Նպատակը՝

Համահայկական շարժման ծավալմամբ Հայաստանի Հանրապետությունում (Արցախը ներառյալ) նորգաղութային կեղեքման գործիքի վերածված պետական կառավարման համակարգին Չուզահեռաբար ստեղծվող կառավարման մարմինների շուրջ ժողովրդի համախմբման և նրա կամքի ու իրավաչափ ուժի գործադրման միջոցով վարչախմբի հեռացում և նոր որակի հայկական պետության ձևավորում:

Քայլ 1. Շարժման կառուցվածքային կայացում

Հայաստանի Հանրապետության (Արցախը ներառյալ) ամբողջ տարածքում և արտերկրի գաղթօջախներում Համահայկական շարժման տեղական մարմինների ցանցի (այսուհետև՝ Շարժում) ձևավորում:

Քայլ 2. Չուզահեռաբար ստեղծվող կառավարման մարմինների ձևավորում և գործունեություն

2.1. Անցումային ժողովրդավարության սկզբունքներով Չուզահեռաբար ստեղծվող հետևյալ կառավարման մարմինների ձևավորում.

- Արդարության ատյան (անցումային արդարադատության սկզբունքների հաշվառմամբ),
- Հիմնադիր խորհրդարանի ընտրական հանձնաժողով,
- Հիմնադիր խորհրդարան,
- Անցումային կառավարություն:

2.2. Հիմնադիր խորհրդարանի գումարում** և դրա գործունեության իրականացում, այդ թվում՝ Հայաստանի Հանրապետությունում (Արցախը ներառյալ) նոր որակի պետության ձևավորման ու զարգացման ռազմավարական հայեցակարգի ընդունում:

2.3. Անհրաժեշտ պահին Անցումային կառավարության ձևավորում և դրա գործունեության իրականացում:

* Շարժման ծրագրում և Նախախորհրդարանի այլ փաստաթղթերում «Հայաստանի Հանրապետությունում (Արցախը ներառյալ)» ձևակերպումը կիրառվում է ոչ թե իրավական, այլ քաղաքական-ծրագրային իմաստով, քանի որ Նախախորհրդարանը Նախատեսում է Շարժման ծրագիրն իրագործել նաև դե ֆակտո Հայաստանի Հանրապետության մասը կազմող Արցախի տարածքում և դրա ավարտին ներկայիս Հայաստանի Հանրապետությունում ու Լեռնային Ղարաբաղի Հանրապետությունում անցկացնել հանրաքվե ու դրա արդյունքների հիման վրա Արցախը նաև դե յուրե միավորել Հայաստանի Հանրապետությանը: (Պարզաբանումը լրացվել է Նախախորհրդարանի 2014 թ. մայիսի 3-ի որոշմամբ):

** Հիմնադիր խորհրդարանը գումարման պահից ստանձնում է Շարժման կառավարումը:

Քայլ 3. Չուգահեռաբար ստեղծվող կառավարման մարմինների լեգիտիմացում

Բաց հանրաքվեի տարբերակով Հիմնադիր խորհրդարանի և պետական կառավարումից վարչախմբի հեռացման հայտ ներկայացնելու համար բավարար քանակով քաղաքացիների*** միջև Նոր որակի պետության ձևավորման պայմանագրերի կնքում:

Քայլ 4. Գործող վարչախմբի հեռացում և անցումային կառավարում

4.1. Շարժման վերածում անհաղթահարելի ուժի՝ նրա կազմակերպվածության, կայունության, ինքնաբավության, նպատակասլացության և այլ հատկանիշների շնորհիվ:

4.2. Ըստ ներքոհիշյալ սցենարների հետևյալ գործողությունների իրականացում.

Սցենար 1. Վարչախումբը հեռանում է (հեռացվում է) մինչև բավարար քանակով քաղաքացիների հետ պայմանագրերի կնքումը***.

- Պայմանագրերի կնքման գործընթացի շարունակում՝ լիարժեք լեգիտիմության հասնելու նպատակով,
- Պայմանագրի դրույթներին համապատասխան Անցումային կառավարման փուլի հայտարարում,
- Նոր որակի պետության կառուցման գործընթացի նախապատրաստում:

Սցենար 2. Վարչախումբը շարունակում է պետական կառավարումը բավարար քանակով քաղաքացիների հետ պայմանագրերի կնքումից հետո.

• Լիարժեք լեգիտիմության իրավունքի հաշվառմամբ գործող վարչախմբին պետական կառավարումից հրաժարվելու հայտի ներկայացում և դրա իրականացման ապահովում Շարժման անհաղթահարելի ուժի գործադրման միջոցով,

• Գործող վարչախմբի հեռացումից հետո Պայմանագրի դրույթներին համապատասխան Անցումային կառավարման փուլի հայտարարում,

- Նոր որակի պետության կառուցման գործընթացի նախապատրաստում:

Քայլ 5. Նոր որակի պետության ձևավորման գործընթացի ծավալում

(Անցումային ժողովրդավարությունից դեպի կայուն ժողովրդավարության հաստատում)

Անցումային կառավարման փուլի ավարտին ժողովրդավարական արտահերթ ընտրությունների անցկացման միջոցով օրենսդիր, գործադիր, դատական և պետական կառավարման այլ անհրաժեշտ մարմինների ձևավորում:

www.preparliament.com

<http://www.facebook.com/Nakhakorhdaran.33>

*** Պետական կառավարումից վարչախմբի հեռացման հայտ ներկայացնելու համար բավարար է համարվում պաշտոնական տվյալներով ամենաշատ մասնակցություն արձանագրած համապետական ընտրությունների մասնակիցների թվի կեսից ավելի (**50%+1**) քանակով քաղաքացիների հետ պայմանագրերի կնքումը: Ըստ պաշտոնական տվյալների, մասնակիցների ամենամեծ թիվն արձանագրվել է 2008 թ. փետրվարի 19-ի նախագահական ընտրություններին (**1.671.027 մասնակից**), որի **50%+1** - ը կազմում է **835.514**:

**** Ժողովրդի կամքի և նրա յուրացված իշխանության վերահաստատման նպատակով վարչախմբի հեռացման համար նպաստավոր պայմանների առկայության պարագայում վարչախումբը կարող է հեռացվել նաև Շարժման ճնշմամբ, որի ընթացքում ժողովուրդը կարող է դիմել քաղաքացիական անհնազանդության, իսկ անհրաժեշտության դեպքում՝ նաև ինքնապաշտպանության: